

# BESTELAKO XEDAPENAK

INDUSTRIA, TRANTSIZIO ENERGETIKO ETA JASANGARRITASUN SAILA

## 4911

*EBAZPENA, 2024ko urriaren 14koa, Industria Administrazioiko Bizkaiko lurralde-ordezkararena, zeinaren bidez iragartzen baita zerrendatutako finkak okupatu aurreko aktak egiteko deialdia; finka horiek Balmasedako udalerrian daude, 13,2 kV-eko «Balmaseda-Pandozales cto. 2» zirkuitu sinpleko erdi-tentsioko aireko linea elektrikoaren zuhaitzik gabeko zerrendaren handitzeko proiektuaren eraginpean, zeina Balmaseda (4519) TAB eta 901 zenbakidun euskarriaren artean gauzatuko den. Instalazioaren titularra i-DE Redes Eléctricas Inteligentes SAU da.*

Erreferentzia: (48-AT-Y-2023-00043) JCI/YMM.

Industria Administrazioiko Bizkaiko lurralde-ordezkararen 2024ko otsailaren 20ko Ebazpenaren bidez, aipatutako instalazio elektrikoa onura publikokoa dela deklaratu zen.

Sektore Elektrikoari buruzko abenduaren 26ko 24/2013 Legearen 55. artikuluan xedatutakoaren arabera, onura publikokoa dela deklaratzeko berekin dakar eraginpeko eskubideak eskuratzea edo ondasunak okupatu beharra, eta, ondorioz, okupazioa premiaz egin beharra, betiere Nahitaezko Desjabetzeari buruzko Legearen 52. artikuluan zehaztutako ondorioetako.

Ondorioz, Nahitaezko Desjabetzeari buruzko 1954ko abenduaren 16ko Legearen 52. artikuluanekin bat etorriz (1954ko abenduaren 17ko BOE), lurralde-ordezkaritza honek erabaki du eraginpeko eskubideen eta ondasunen jabe eta titularrei deitzea eraginpeko ondasunak dauden udalerriko udaletxera (Bizkaiko Lurralde Historikoan). Hor egingo dira eraginpeko ondasunak okupatu aurretiko aktak eta, beharrezkoa bada, behin betiko okupazioaren akta.

Eraginpeko ondasunetan edozein eratako eskubideak edo interesak dituzten pertsona titularrak eta horretan bestelako interesak dituzten gainerako pertsona guztiak ere joan behar dute bilerara, bai zuzenean, eurak joanda, bai zeharka, euren ordezkari baimena duen besteren bat bidalita; era batera zein bestera, titulartasuna egiaztatzeko agiriak eraman beharko dituzte, baita kontribuzioaren azken ordainagiria ere. Hala nahi izanez gero, peritu edo notarioren batekin ere joan daitezke.

Honekin batera dagoen zerrendan aditzera emandako egun eta orduan jasoko dira aktak, eta hori zitazio-zedularen bitartez emango zaio jakitera titular bakoitzari, non lekua, eguna eta ordua adierazi beharko baitira. Nahitaezko Desjabetzeari buruzko Legearen 52. artikuluan ezarritako gainerako argitalpenak ere egingo dira.

Halaber, Nahitaezko Desjabetzeari buruzko Legearen Araudiaren 56.2 artikuluan xedatutakoarekin bat etorriz, bai interesdunek bai argitaratutako zerrendetan aipatu ez diren interes errealean eta interes ekonomikoen titularrek nahi adina alegazio aurkez ditzakete, eraginpeko ondasun eta eskubideen zerrendetan egindako akatsak zuzentzeko, hain justu ere idazki baten bitartez lurralde-ordezkaritza honetako Bilboko egoitzan (Concha Jeneralaren kalea 23, 5.a), aldez aurretiko aktak jasotzeko izendatutako egunera arte.

Halaber, Administrazio Publikoen Administrazio Prozedura Erkidearen urriaren 1eko 39/2015 Legearen 45.1 artikuluan xedatutakoaren arabera, eta Nahitaezko Desjabetzeari buruzko

2024ko urriaren 25a, ostirala

Legearen 52. artikulua bigarren arauan xedatutakoaren arabera, iragarki honek hauei jakinarazpena egiteko balioko du: identifikatu gabeko interesdun posibleei, eraginpeko ondasunen eta eskubideen titular ezezagunei eta helbide ezezaguna dutenei.

Bilbao, 2024ko urriaren 14a.

Industria Administrazioako Bizkaiko lurralde-ordezkaria,  
MARÍA JESÚS MARKAIDA URIARTE.

2024ko urriaren 25a, ostirala

## ERANSKINA

## OKUPATU AURREKO AKTETARAKO ZITAZIOA

13,2 kV-eko «Balmaseda-Pandozales cto. 2» zirkuitu sinpleko erdi-tentsioko aireko linea elektrikoaren zuhaitzik gabeko zerrendaren handitzea, Balmaseda (4519) TAB eta 901 zenbakidun euskarriaren artean

48-AT-Y-2023-00043 espedientea

Udalerria	Finka	Katastroko datuak			Titularra	Hilabetea	Eguna	Ordua	Udala
		Poligonoa	Lurzatia	Izaera / Laborantza					
Balmaseda	1.01	007	099	Landa / Eremu urbanizatua	Bizkaiko Foru Aldundia – Ogasun eta Finantza Salla – Ondare Zerbitzua	Abendua	12	09:40 h.	Balmaseda
Balmaseda	1.03	008	011	Landa/Laborea	Ulibarri Francisco Hr	Abendua	12	10:00 h.	Balmaseda
Balmaseda	1.15	015-13	003	Hirikoa	Kolitza, S. Coop.	Abendua	12	10:30 h.	Balmaseda
Balmaseda	1.16	008	057	Landa/Larrea	Inchaurbe Sarahaga Julian	Abendua	12	11:00 h.	Balmaseda
Balmaseda	1.21	008	049	Landa/Larrea	Gonzalez Yraola Benigno	Abendua	12	11:30 h.	Balmaseda
Balmaseda	1.28	008	029	Landa/Belardia/Pinuondoa	Ezezaguna	Abendua	12	12:00 h.	Balmaseda
Balmaseda	1.29	008	030	Landa / Mendi abartsua	Ezezaguna	Abendua	12	12:20 h.	Balmaseda